



# PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete  
Portavós

## Komunikadu Imprensa

### Sorumutuk Konsellu Ministrus nian iha loron 5 fulan-janeiru tinan 2022

Konsellu Ministrus hala'o sorumutuk iha Palásiu Governu, iha Dili, no aprova ona projetu sira Dekretu Governu nian, ne'ebé apresenta husi Ministru Administrasaun Estatál, Miguel Pereira de Carvalho, ne'ebé ho objetivu atu **altera no/ka completa regulamentu Lei Eleitorál ba Prezidente Repúblika nian**, haree katak presiza salvaguarda respeitu ba norma sira ne'ebé ho objetivu atu impede propagasaun no diseminasaun COVID-19 nian husi populasaun. Tanba ne'e, aprova ona:

- alterasaun dahuluk ba Dekretu Governu nu. 5/2017, loron 27 fulan-fevereiru, ne'ebé regula kampaña no propaganda eleitorál;
- alterasaun dahuluk ba Dekretu Governu nu. 6/2017, loron 27 fulan-fevereiru, ne'ebé regula organizasaun no funsionamentu sentru votasaun no estasaun sira votu nian;
- alterasaun dahuluk ba Dekretu Governu nu. 7/2017, loron 27 fulan-fevereiru, ne'ebé regula prosedimentu sira ba votasaun nian, kontajen ba votu sira no apuramentu ba rezultadu sira;
- alterasaun dahuluk ba Dekretu Governu nu. 8/2017, loron 27 fulan-fevereiru, ne'ebé aprova prosedimentu tékniku sira ba realizasaun eleisaun prezidensiál iha estranjeiru;
- alterasaun dahuluk ba Dekretu Governu nu. 9/2017, loron 27 fulan-fevereiru, ne'ebé regula atividade observasaun nian;
- alterasaun dahuluk ba Dekretu Governu nu. 10/2017, loron 27 fulan-fevereiru, ne'ebé aprova prosedimentu tékniku sira ne'ebé hala'o atividade sira kobertura jornalístika nian ba eleisaun prezidensiál;
- alterasaun dahuluk ba Dekretu Governu nu. 12/2017, loron 27 fulan-fevereiru, kona-ba ezersísu direitu votu nian iha ospital no prizaun sira: alterasaun dahuluk ba Dekretu Governu nian nu. 13/2021, loron 27 fulan-fevereiru, ne'ebé regula atividade fiskalizaun nian ba prosesu eleitorál;
- regulamentu kona-ba apresentasaun kandidatura ba eleisaun Prezidente Repúblika nian; no
- ezersísu direitu votu ba eleitór sira ne'ebé internadu iha sentru izolamentu profilátiku obrigatóriu, sentru izolamentu terapéutiku obrigatóriu ka ne'ebé kumpre izolamentu profilátiku obrigatóriu ka izolamentu terapéutiku obrigatóriu iha domísiliu ida-idak ka iha fatin ne'ebé admite ona tuir lei ba efeitu ne'e.



Palácio do Governo,  
Avenida Presidente Nicolau Lobato,  
Dili, Timor-Leste



# PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete  
Portavós

Konsellu Ministrus mós aprova ona projetu Dekretu Governu nian, ne'ebé apresenta husi Ministru Finansas, Rui Augusto Gomes, ho objetivu atu **estabelese regra sira kona-ba ezekusaun Orsamentu Jerál Estadu tinan 2022 nian**. Ho projetu ida-ne'e, hakarak atu garante kontrolu orsamentál ida ne'ebé efetivu no rigorozu, no, iha tempu hanesan hodi simplifika prosedimentu sira ezekusaun orsamentál nian, ne'ebé fó continuidade ba mudansa sira ne'ebé implementa ona iha tinan rua liubá, ho objetivu atu facilita ezekusaun Orsamentu Jerál Estadu nian husi órgaun no servisu sira setór públiku administrativu nian. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste